



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Broj: 01-45-1-1795/24

Datum: 01.07.2024.godine

IZVJEŠTAJ

o radu Općinskog vijeća Tešanj za period 01.01. – 30.06.2024. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih i realizovanih odluka,
 - b) prisustvo vijećnika obukama za funkcionalno usavršavanje,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća
 - h) prisustvo vijećnika sjednicama Vijeća.
 - u) broj građanskih prijedloga, primjedbi i inicijativa.

Izvještaj o radu Općinskog vijeća Tešanj za period 01.01. – 30.06.2024. godine predviđen je u trećem kvartalu Programa rada za 2024. godinu.


IZVJEŠTAJNI DIO

a. Općinsko vijeće je donijelo 19 odluka, 5 rješenja i 34 zaključka

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bile:

- prijedlozi odluka (19)
- informacije (18)
- izvještaji (10)
- prijedlozi rješenja (5)
- zaključak (1)


Struktura tema i pitanja o kojima je Vijeće raspravljalo



U izvještajnom periodu Općinsko vijeće je nakon provedenih rasprava usvojilo **ukupno 58 akata** i to:

- 19 odluka,
- 5 rješenja i
- 34 zaključka


Usvojeni akti



Općinski vijećnici su u svom radu podnijeli ukupno 71 akt i to:

- 41 vijećnička pitanja
- 30 vijećničke inicijative

Akti Općinskih vijećnika



**Tabelarni pregled o broju diskusija i broju podnesenih vijećničkih inicijativa i pitanja
za period od 01-01- do 30.06.2024.godin**

Redni broj	PREZIME I IME VIJEĆNIKA	Broj diskusija	Broj postavljenih v.inicijativa	Broj postavljenih v.pitanja
1.	Begović Rifet	-	1	-
2.	Ćeman Elma	6	-	1
3.	Deljković Nermin	4	6	10
4.	Deljković Ernad	6	-	-
5.	Galijašević Emir	12	9	8
6.	Hadžić Enes	-	-	-
7.	Handžić Hasan	12	2	1
8.	Hasanbašić Senad	15	1	-
9.	Hodžić Enes	8	2	1
10.	Jašić Haris	5	-	-
11.	Kotorić Esmir	5	-	-
12.	Kršić Boban	6	-	2
13.	Kurdić Adem	8	2	4
14.	Kurtić Amir	-	-	-
15.	Galijašević Hasan	6	-	2
16.	Pezer Fahrudin	1	-	-
17.	Pilav Elvir	5	1	-
18.	Pilav Ragib	-	-	-
19.	Piro Amir	4	-	1
20.	Rahić Armin	-	-	-
21.	Ramić Omer	3	-	-
22.	Rošić Jakub	9	-	-
23.	Hadžan Zaim	2	-	-
24.	Solo Fahir	14	5	5
25.	Šaranović Amir	8	1	6
	ukupno	139	30	41

Realizacija akata

Informacija o realizaciji akata koje je Općinsko vijeće usvojilo na prošloj sjednici bila je u svakom Sazivu redovnih sjednica Općinskog Vijeća i Informacija je redovno sa ostalim materijalima dostavljena i objavljivana sedam dana prije održavanja sjednice. Ovim je data mogućnost vijećnicima i svim zainteresovanim da ostvare uvid u Informaciju a pored toga vijećnicima je data i mogućnost da na sjednici predlože da se Informacija uvrsti u dnevni red ukoliko žele raspravljati o istoj. U izvještajnom periodu nije bilo prijedloga da se Informacija uvrsti u dnevni red zbog čega o istoj nije ni bilo rasprave .

Uvidom u Informacije o realizaciji akata i hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da su akte donesene od strane Općinskog vijeća, Općinski načelnik i administracija uglavnom i realizirali u predviđenom roku, i da je u toku realizacija preostalih akata.

b. U izvještajnom periodu vijećnici nisu imali edukacije/obuke

c) Općinsko vijeće je donijelo 11 odluka koje su inicirane od strane građana.

d. U izvještajnom periodu nije bilo javnih rasprava

e. Nije bilo javnih rasprava

f. Sjednicama Vijeća pored redovnih gostiju prisustvovalo 20 građana,

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer je u izvještajnom periodu (pet sednica), od ukupno 25 samo 1 vijećnika imao samo 1 izostanak.

Na ukupno 5 održanih sjednica Vijeća u periodu od 01.01. – 30.06.2024. godine, uglavnom nakon ranije najavljenog opravdanog odsustva, sjednicama Vijeća nisu prisustvovali ili su kasnili slijedeći vijećnici:

	Prezime i ime vijećnika	Odsustvo sa sjednice	Kašnjenje na sjednicu
1.	Deljković Nermin	1	4
2.	Rahić Armin	-	1
3.	Deljković Ernad	-	1
4.	Piro Amir	-	1
5.	Hadžan Zaim	-	1

i. U izvještajnom periodu Vijeću je od strane građana dostavljeno 3 prijedloga/primjedbe/inicijative.

SJEDNICE VIJEĆA

Općinsko vijeće Tešanj je u periodu 01.01. – 30.06.2024. godine radilo u redovnim javnim zasjedanjima. Održano je ukupno 5 sjednica od kojih je jedna bila tematska. Sjednice Vijeća u izvještajnom periodu trajale su u prosjeku oko 4 sata.

Aktivnosti Općinskog vijeća zasnivale su se na zadacima utvrđenim Programom rada Vijeća za 2024. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Na dnevnom redu sjednica Vijeća bile su 53 tačke, od kojih je 33 bilo predviđeno Programom rada Vijeća za 2024. godinu. Ostalih 20 tačaka bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom.

Osnovne tematske odluke predviđene Programom rada koje je Vijeće u izvještajnom periodu

donijelo:

- Odluka o usvajanju Plana kapitalnih investicija za budžetsku 2024.godinu (sa planom kandidovanih investicija za 2025 i 2026) 1+2,
- Odluka o pristupanju izradi Regulacionog plana "CENTAR" Jelah,
- Odluka o pristupanju izradi Regulacionog plana "Jugozapad-Tešanj»
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2024. godini,

Odluke koje nisu bile predviđene Programom rada za 2024.godinu:

- Odluka o odobravanju raspisivanja Javnog konkursa za nekretninu broj: 1200/1 za K.O. Medakovo,
- Odluka o gubitku statusa Javnog dobra – K.O. Jevadžije,
- Odluka o odabiru najpovoljnije ponude-zakup poljoprivrednog zemljišta na području općine Tešanj
- Odluka o subvencioniranju kamate stambenih kredita mladima sa područja općine Tešanj
- Odluka o pristupanju izradi Regulacionog plana "Cigłana-Jelah
- Odluka o pristupanju izmjene dijela Urbanističkog projekta "Tešanj-Centar" Tešanj
- Odluka o dopuni Odluke o osnivanju Muzeja
- Odluka o gubitku statusa javnog dobra u K.O. Trepče
- Odluka o gubitku statusa javnog dobra – put K.O. Tešanj I
- Odluka o prodaji zemljišta k.p.broj: 528/45 K.O. Tešanj II
- Odluka o prodaji zemljišta neposrednom pogodbom za izgradnju trafostanice u Jelahu,
- Odluka o utvrđivanju javnog interesa za uklanjanje dijela stijene u ulici Skedera Kulenovića u Tešnju,
- Odluka o prodaji k.č.broj:263/3 K.O. Jevadžije,
- Odluka o prodaji zemljišta k.p.broj: 1535/5 K.O. Tešanj I,
- Odluka o ustanovljenju prava služnosti preko dijela nekretnine k.p. br. 20/5 i dijela k.p. br. 19/1 za K.O. Mrkotić,
- Zaključak kojim se daje saglasnost privrednom društvu NER TOURS d.o.o. Tešanj da može izvršiti promet parcela označenih kao k.č. broj 816/2, 816/7 i 816/8 K.O. Medakovo

JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj.

Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone).

Cjelokupan radni materijal planiran za sjednice Vijeća, poslije sjednice Kolegija objavljuje se putem zvanične web stranice Općine (aplikacija eCitizen). Ovim činom sav materijal činimo dostupnim zainteresovanim građanima sa ciljem da do početka sjednice putem aplikacije eCitizen mogu ostaviti svoje komentare, prijedloge, kao i da preko vijećnika mogu reagovati svojim primjedbama na svaki od predloženih dokumenata.

Konačni akti redovno se objavljuju u "Službenom glasniku Općine Tešanj", koji su građanima dostupni na web stranici Općine Tešanj. Nakon okončanja sjednice, na aplikaciji eCitizen pored konačnih akata građanima i svim zainteresovanim su dostupni i podaci da li je sjednica održana, da li su prijedlozi usvojeni, rezultati izjašnjavanja vijećnika o svakoj tački dnevnog reda, Zapisnik sa sjednice kao i Službeni glasnik.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, obrazuju se stalna i povremena radna tijela koja broje tri ili pet lica. Radna tijela Vijeća daju mišljenja, prijedloge i dostavljaju polugodišnje i godišnje izvještaje Vijeću i javnosti o određenim pitanjima iz svog djelokruga, a odlučuju samo o pitanjima koja su im Poslovníkom ili odlukom Vijeća date u neposrednu nadležnost. Izbor članova stalnih radnih tijela vrši se u skladu sa posebnom odlukom o kriterijima za izbor i imenovanje na prijedlog Komisije za izbor i imenovanje. Opći uslovi za izbor članova radnih tijela u Odluci o kriterijima sadrže odredbe po kojima se angažovanje lica u radnim tijelima dodjeljuje stručnim i uglednim građanima, s tim da pri izboru članova kod jednako rangiranih kandidata, prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici).

Izbor članova stalnih radnih tijela na prijedlog Komisije za izbor i imenovanje odlukom utvrđuje Općinsko vijeće. Radno tijelo Vijeća ima predsjednika, zamjenika predsjednika i određen broj članova. Kriteriji za izbor i imenovanje članova radnih tijela ne odnose se na izbor članova Komisije za izbor i imenovanje. Komisija za izbor i imenovanja bira Vijeće iz reda vijećnika, na prijedlog predsjedavajućeg Vijeća. (Član 21-24 Poslovníka o radu Općinskog vijeća Tešanj).

1. Stalna radna tijela Općinskog vijeća Tešanj

Općinsko vijeće Tešanj je na svojoj 2. sjednici donijelo Rješenje o imenovanju Komisije za izbor i imenovanje a na 4. sjednici je donijelo Rješenje o imenovanju ostalih radnih tijela.

Stalna radna tijela Općinskog vijeća Tešanj:

1. Komisija za izbor i imenovanje
2. Statutarno – pravna komisija;
3. Komisiju za monitoring nad realizacijom Strategije razvoja Općine Tešanj;
4. Komisiju za budžet;
5. Komisiju za praćenje primjene kodeksa ponašanja vijećnika i javnosti rada Vijeća;
6. Komisiju za pitanja mladih i ravnopravnost polova i
7. Komisiju za zaštitu čovjekove okoline

U izvještajnom periodu održano je ukupno 28 sastanaka stalnih radnih tijela.

Tabelarni prikaz održanih sastanaka stalnih radnih tijela.

R.br.	RADNA TIJELA	Broj sastanaka od 1.1.-30.06.2024.
1.	Komisija za pitanja mladih i ravnopravnost polova	11 sastanaka
2.	Komisija za izbor i imenovanje	0 sastanaka
3.	Komisija za praćenje primjene kodeksa ponašanja vijećnika i javnost rada vijeća	4 sastanka
4.	Komisija za zaštitu čovjekove okoline	1 sastanak
5.	Komisija za budžet	1 sastanak
6.	Komisija za monitoring nad realizacijom Strategije razvoja općine Tešanj	0 sastanaka
7.	Statutarno-pravna komisija	4 sastanka

Komisija za izbor i imenovanje i Komisija za monitoring nad realizacijom Strategije razvoja općine Tešanj u izvještajnom periodu nisu imale sastanaka.

Komisija za pitanja mladih i ravnopravnost polova

U svom sastavu ima pet lica. U izvještajnom periodu je Komisija je radila na praćenju stanja i pojave u životu i radu mladih i pripremi prijedloga za programe i mjere za rješavanje uočenih problema, posebno u suzbijanju suicida, narkomanije, alkoholizma i drugih toksikomanija. Radila je na provođenju programa i projekata kreativnog angažovanja mladih u oblasti kulture, sporta i edukacije, Ostvarivala je saradnju sa udruženjima građana i institucijama koje se bave pitanjima mladih. Pratila zastupljenost žena u strukturi organa vlasti i upravljačkim institucijama gdje je Općina osnivač. Pratila je stanje ostvarenja prava žena – majki u smislu zdravstvene i socijalne zaštite i te predlagala nadležnim organima određena rješenja, mjere i aktivnosti u cilju ostvarivanja i unapređenja ravnopravnosti polova. Ostvarivala je saradnju sa nevladinim organizacijama i institucijama koje se bave zaštitom ravnopravnosti polova.

Članice komisije su u izvještajnom periodu prisustvovala ceremoniji potpisivanja ugovora i dodjeli sredstava podrške Općine Tešanj, manifestaciji zatvaranja šestomjesečnog projekta „Zajedno smo jače“, Osnivačkoj skupštini Asocijacije poslovnih žena, svečanom puštanju u rad novog, savremenog mamografa o Općoj bolnici Tešanj, dvodnevnoj radionici u organizaciji World Vision BiH, Evropska Unija NAŠA DJECA Sarajevo, Ministarstvo civilnih poslova na temu: Vrijednosti EU, proširenje EU i prisutpanje BIH EU – prilike za mlade. Komisija je u skladu sa svojim nadležnostima učestvoval u realizaciji LGAP-a 2021/2023.

Komisija za praćenje primjene kodeksa ponašanja vijećnika i javnost rada Vijeća

U svom sastavu ima pet lica. Komisija je u izvještajnom periodu nastavila sa praksom da na svakoj sjednici na dnevnom redu ima izvještaje o praćenju sjednica Općinskog vijeća i zapažanja o eventualnom kršenju Etičkog kodeksa. U izvještajnom periodu nisu uočene povrede Kodeksa a koje bi bile predmet rasprave Komisije. Pratila je evidenciju prisustva vijećnika sjednicama Vijeća i općinskim manifestacijama, te s obzirom da je prisustvo vijećnika bilo zadovoljavajuće u izvještajnom periodu Komisija nije imala nikakvih primjedbi.

Predsjednica Komisije je prisustvovala sastanku održanom sa predstavnicima OESC-a, na temu izrade novog Kodeksa ponašanja vijećnika, pored predsjedavajućeg Vijeća i sekretarice Vijeća, na kojem su iznesene dosadašnje aktivnosti Komisije s naznakama šta je potrebno mjenjati u Kodeksu.

Na osnovu inicijative ove Komisije Vijeće je imenovalo Komisiju za izradu novog Kodeksa ponašanja vijećnika u Općinskom vijeću Tešanj koja je u izvještajnom periodu pripremila i Kolegiju uputila prednacrt. Kolegij Vijeća je isti prihvatio s prijedlogom da se nacrt Etičkog kodeksa uvrsti u Dnevni red 37.sjednice.

U izvještajnom periodu nije bilo predstavljeni i prijedloga upućenih od strane građana niti prijedloga za dodjelu priznanja i odlikovanja

Komisija za zaštitu životne okoline

1. U svom sastavu ima tri lica. U prvom polugodištu 2024.godine je pratila i razmatrala pitanja, probleme i pojave u vezi sa obezbjeđenjem uslova za očuvanje i razvoj prirodnih i stvarnih vrijednosti. Nakon urađene analize i procjene uticaja projekta izgradnje autoceste na životnu sredinu u Općini Tešanj jednoglasno su usvojili sljedeće zaključke:

- Izgradnja autoputa donosi značajno povećanje količine građevinskog zemljišta, što u ovom slučaju doprinosi i povećanju dosad neiskorištenog zemljišta;
- Potrebno je uložiti napore da se što više ostalog neiskorištenog zemljišta pretvori u šumsku površinu, kako bi šteta od sječe drveta na trasi na autoputa bila što manja, a zrak kvalitetniji;
- Takođe je potrebno uložiti dodatne napore na zaštiti kako biljnog tako i životinjskog habitata – jako su povećane migracije divljih životinja koje se teško snalaze u novonastaloj situaciji pa imamo sve češće pojave divljih životinja u naseljenim mjestima;
- Pozivaju se građani općine na strpljenje jer se ipak radi o realizaciji značajnog projekta koji nam svima donosi višestruku korist.

Komisija za Budžet

U svom sastavu ima tri lica. U izvještajnom periodu pratila ostvarenje prihoda i rashoda budžeta općine i dala je mišljenje Općinskom vijeću o Izvještaju o izvršenju Budžeta Općine Tešanj za 2023.godinu i Izvještaju o izvršenju za I kvartal 2024.godine.

Statutarno-pravna komisija

U svom sastavu ima pet članova. Komisija je u izvještajnom periodu radila sa tri člana jer su dva člana dala ostavku (jedan u 2023.godini a drugi 25.03.2024.godine). Komisija za izbor i imenovanje Općinskom vijeću nije dostavila prijedlog za imenovanje novih članova, te iz tih razloga i nije bilo moguće realizovati zaključak u vezi pripreme prijedloga Odluke o izmjeni i dopuni Poslovnika o radu Općinskog vijeća Tešanj.

U izvještajnom periodu Komisija je pratila ostvarivanje Statuta Općine, Poslovnika o radu Vijeća i drugih zakonima regulisanih pitanja, pripremila je prečišćeni tekst Kodeksa ponašanja vijećnika u Općinskom vijeću Tešanj.

2. Povremena radna tijela OV

U skladu sa Zaključkom Općinsko vijeće Tešanj koji je usvojen na 25. redovnoj sjednici održanoj dana 31.01.2019.godine u nastavku je izvještaj o radu povremenih radnih tijela:

Komisija za procjenu vrijednosti nekretnina u prometu

Zadatak komisije je da vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09).

Način rada Komisije i kriteriji na osnovu kojih se vrši utvrđivanje tržišnih vrijednosti nekretnina na području općine Tešanj definisan je Pravilnikom koji je donio Općinski načelnik dana 16.12.2009.godine („Službeni glasnik općine Tešanj“, broj: 10/09) na osnovu čl. 10. i 35. Zakona o porezu na promet nekretnina, čl. 16. i 15. Zakona o porezu na imovinu, nasljeđe i poklon i čl. 30. Statuta općine Tešanj

Uvidom u službeni evidenciju koju evidentira koordinator koji prati rad komisije, utvrđeno je da je imenovana Komisija za period od 01.01.2024.godine do 30.06.2024.godine, izvršila procjenu za 335 predmeta (ugovori, rješenja, odluke, zahtjevi službe), od čega je izvršena procjena za 600 parcela i procjenu za 53 stana, 61 kuća, 38 ostava, 88 garaža, 2 poslovna objekta, 4 pomoćna objekata i 1 vikend objekat.

Drugostepena komisija za rješavanje po žalbama protiv prvostepenih rješenja općinskih organa uprave

Zadatak Komisije je rješavanje po žalbama izjavljenim protiv rješenja i drugih akata općinskih organa uprave Općine Tešanj, a koji su rješavani na osnovu Statuta ili drugih propisa Općinskog vijeća i Općinskog načelnika u prvostepenom upravnom postupku.

Komisija je u periodu od 01.01.2024.godine do 30.06.2024.godine odlučivala o 9 žalbi na rješenja općinskih organa uprave. Po svim žalbama je postupljeno u zakonskom roku.

Komisija za provođenje javnog nadmetanja - licitacije u postupku prometa općinskim zemljištem

Obaveza Komisije je da postupak nadmetanja licitacije nekretnine provede u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14). Komisija za svoj rad odgovara Općinskom vijeću.

U izvještajnom periodu je imala 2 postupka provođenja javnog nadmetanja.

Općinska izborna komisija Tešanj

Općinsko vijeće Tešanj je Rješenjima broj: 01-04-2-2362-8/22 i broj : 01-45-1-2628-8/22 od 20.03.2023 godine imenovalo redovne članove Općinske izborne komisije Tešanj, na što je CIK BiH dala saglasnost Rješenjem broj: 06-1-06-1-163/23 od 05.06.2023 godine, čime su se stekli uslovi za razrješenje dužnosti zamjenskog predsjednika i zamjenskih članova OIK Tešanj u skladu s članom 2.15 stav (3) Izbornog zakona BiH. Rješenjem CIK BIH, broj : 06-1-07-1-163/23 od 05.06.2023 je data saglasnost na razrješenje zamjenskog predsjednika i zamjenskih članova OIK Tešanj: Bećir Halilović, Azra Alić-Bedak, Ivan Duvnjak, Sumeja Essediri; a Rješenjem: 06-1-07-1-163/23 od 05.06.2023 godine, data je saglasnost na imenovanje članova Muamer Omahić, Darko Kulić, Azra Alić-Bedak i Bećir Halilović. Po zahtijevu CIK BiH je dostavljena dokumentacija za kandidatkinju Selmu Prnjavorac koja je Rješenjem broj : 06-1-07-1-163/23 od 28.02.2024, imenovana za člana OIK Tešanj.

Ako se imaju u vidu nadležnosti izbornih komisija onda se može uočiti činjenica da su osnovne aktivnosti pretežno vezane za pripremu za Lokalne izbore 2024. U periodu izvještavanja OIK Tešanj je održala ukupno 12 sjednica i 1 koorespondentnu sjednicu te pripremila Zapisnike sa održavanja istih. Nije bilo kršenja Poslovnika o radu, na sjednicama su prisustvovali svi članovi, a sve odluke su donošene jednoglasno. Tokom izvještajnog perioda OIK Tešanj je usvojila preko 90 zaključaka i odluka te donijela druge akte u okviru svoje nadležnosti (odgovori, podaci, dopisi, zahtjevi, izvještaji...).

U sklopu priprema i realizacije aktivnosti za nadolazeće Izbore 2024, OIK Tešanj je intezivno radio na:

Izradi dinamičkog plana priprema i realizacije Lokalnih izbora 2024, Izradi analize biračkih mjesta i definisanje zamjenskih prostora za nekoliko biračkih mjesta (Dobropolje-Mekiš,Raduša, Bukva,Jevadžije) Podjeli zadataka među članovima OIK-a (izrada pravilnika o predaji SG obrazaca, pošte i ostalih zahtjeva) Pilot projektu za održavanje izbora pomoću novih tehnologija, za koje u narednom periodu definisane edukacije, informisanje birača i definisanje Biračkih odbora na području Općine, Redovnom informisanju CIK-a o svim implementiranim aktivnostima na mjesečnom i kvartalnom nivou, Raspisao konkurs za rezervni sastav za lokalne izbore 2024, Educiranju 4 instruktora koji su prošli obuku za instruktora za obuku predsjednika i zamjenika biračkih odbora, Prezenciji i javno oglašavanije i podrška CIK-u za prijavu članova na konkurs predsjednika i zamjenika BO koje će u narednom periodu obučavati instruktori u organizaciji OIK-a Tešanj, Pripremi svih drugih akata neophodni za nesmetan rad , Vođenje arhive i ostali administrativni poslovi

Članovi OIK -a su prisustvovali na 3 edukacije koje su održane od strane CIK-a (Teslić, Banja Luka) i također su prisustvovali na konferenciji: Nove izborne tehnologije:"Najbolje prakse za Bosnu i Hercegovinu". Od maja 2024 je počela intezivna priprema za Lokalne izbore 2024 i članovi OIK Tešanj su dostupni u definisanim terminima u prostorijama Općine Tešanj u sedmici i telefonski dostupni. Sve važne obavijesti u vezi održavanja Lokalnih izbora 2024 koriste stranicu Općine Tešanj/Izbori.

Redovno se ažuriraju, vode i kontrolišu evidencije, vodi arhiva i ostali poslovi iz djelokruga Izborne komisije te ostvaruje saradnja sa Općinskim načelnikom, službama političkim i drugim subjektima koji imaju dodira sa radom OIK-a.. U saradnji sa matičnim uredima pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova. S tim u vezi, na traženje CIK BiH, te dostavljenog spiska osoba sa prebivalištem na području općine Tešanj koje su navršile 100 i više godina, a nalaze se na Centralnom biračkom spisku, izvršena je provjera i ažuriranje istih u saradnji sa matičnim uredom i koordinatorom Centra za birački spisak Općine Tešanj.

Putem Centra za birački spisak ostvaruje se svakodnevna elektronska komunikacija sa Centralnom izbornom komisijom BiH, prilikom koje se sve tražene informacije, akti te drugi podaci dostavljaju na njihov zahtjev i pravovremeno.

Sredstva za izbornu 2024 . godinu su obezbijedena u budžetu u skladu sa zahtjevom OIK Tešanj.

Članovi Općinske izborne komisije Tešanj za svoj rad primaju mjesečnu naknadu na osnovu Izbornog zakona BiH i člana 2. Odluke o visini naknade za rad članova izborne komisije osnovne izborne jedinice u Bosni i Hercegovini broj: 05-1-07-1-632-1/22 od 04.05.2022. godine, koja visina je određena prema broju upisanih birača za osnovnu izbornu jedinicu.

Shodno odluci o naknadi za rad u biračkim odborima za provođenje Lokalnih izbora 2024,broj: 07-2-50-4-624-1/24 potrebno je uraditi rebalans budžeta za provedbu Lokalnih izbora sa kojom je upoznat služba za finasije Općine Tešanj. OIK Tešanj nema primjedbi na podršku i saradnju Općine Tešanj. Do sada je svoj rad obavljala profesionalno, a sve aktivnosti je uspješno završavala u zadatim rokovima. U svom radu nije imala poteškoća, posebno što se tiče finansijskih sredstava, prostora i opreme za rad. Naglasak da je ustupljen prostor, arhiviranje, računar i ostala oprema od Općine Tešanj prema OIK-u sa kojom raspolaze i organizuje sve sastanke.

Za Rukovodioca Centra za birački spisak Tešanj (CBS) Općina Tešanj je imenovala Ibrahimkadić Zahira.

Aktivnosti CBS tokom izvještajnog perioda su slijedeće: izvršena je provjera za ukupno 155 umrlih lica (birača) - da li se i dalje vode na Centralnom biračkom spisku, dostavljeno je 23 izvještaja CBS (svaki ponedjeljak) Centralnoj izornoj komisiji BiH, kontinuirano se prati i po potrebi vrši primopredaja e-mail pošte između CIK BiH i OIK Tešanj, kao i organa Općine Tešanj, biračima su (po potrebi) date dodatne informacije i pojašnjenja vezano za Birački spisak, prezentovani su privremeni biracki spiskovi u Mjesnim zajednicama

ZAKLJUČCI:

1. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.06.2024. godine uspješno realizovalo svoju ulogu.
2. Većina odluka je usvojena jednoglasno.
3. Aktivnost Vijeća se ogleda i kroz podnesenih 71 akt (vijećnička pitanja i inicijative) i usvojenih 58 akata koji su upućeni Općinskom načelniku i administraciji na realizaciju, od kojih je većina realizovana.
4. Informacija o realizaciji odluka, rješenja i zaključaka Općinskog vijeća je redovno dostavljana i objavljivana na web stranici Općine u materijalima za svaku sjednicu.
5. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



PREDSJEDAVAJUĆI VIJEĆA

Amir Kurtić
Amir Kurtić, dipl.ing.elteh.

